


沈乃文主編

明別集叢刊 第四輯

第七冊

黃山書社





國家出版基金項目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第七冊

黃山書社



(明)雷士禎 著

覆瓿集八卷

明萬曆二十四年刻本

覆瓿集叙

士附青雲聲垂來裔取其人與言耳
如以言而已當今鉛槧士奕奕詞壇
無慮數百家彼夫中局凡鄙操履齷
齷卽匠意殺青已非本來其寃也則
終同芻狗之陳嗟嗟古人三不朽亦
曰立言文章雅道可盡廢邪侍御雷

覆瓿集

叙

君國柱蓋不佞甲戌同年友先是奉
上命督漕江上不佞綰符巢陵舟次一
見輒附臭唯唯否否締莫逆之誼已
而君擁笏繡侍

殿陞建白侃侃擊搏弗避權要挺然砥
柱西臺恒耳食心嚮之無何君在告
越十餘年所不佞以夕郎外逐來飭

關輔兵事謂可時時式里叩玄慰宿

怒不意山陽笛裏悲風愴人惜哉因
求笥中遺稿得所謂覆瓿集者卒其
業恍然神遇不覺眉舞曰君秀而文
朗朗一偉丈夫奈何年不償德才不
竟施所藉不朽者庶幾其一斑焉儻
是集而又令之閣泐弗章可乎朝邑

覆瓿集

叙

謝令如尚遂繕寫命副墨請弁不佞
不佞聞君自弱歲登朝洎今居里大
都矚然好修慷慨亮直多奇節耻事
倚阿回曲之行及覽詩歌若不經意
咄嗟思逸調高音節爾雅一類其爲
人至叙事譚世務率抽諸神解默超
蹊徑蜚亶五色成一家言美哉璘璫

乎足以傳矣蓋君韶齋時侍其外祖
韓恭簡公習知忠孝大誼而君故高
自標植抗步前喆恭簡公願每爲解
許可亢雷氏宗肆服厥訓風槩著作
凌二華光八水與恭簡公先後相符
本本源源固弗爽與籍令天假之年
其勲名寧有涯涘邪集凡若干卷曰

覆瓿集

叙

三

覆瓿者君之自抑爾爾噫子雲作太
玄洵覆瓿乎則君之集或非必傳
之書矣矧君人也何如子雲千載而
後詎無知言如桓譚者

萬曆歲舍丙申良月年弟汝上張維
新憲周謹撰

覆瓿集目錄

第一卷

奏議

論潘相疏

考選西臺奏議

條鞭議代縣

第二卷

序

續朝邑縣志序

覆瓿集目錄

六

一

許敬庵關中集序

贈沁川劉念憲之河南序

贈呂新吾令襄垣序

送邑侯郭公入覲序

賀邑侯高公考績拜恩序

賀扶風令槐墅李公考績拜恩序

賀郃陽劉侯獎勵序

第三卷

序

贈邑侯郭公應 徵北序

壽王年伯七十序

邑郭侯誕日會有旌書衆詩賀併序

壽 誥封一品夫人馬年伯母七十二序

壽南岡黃侯序

記

雙忠祠記

第四卷

行狀

覆瓿集目錄

封徵仕郎兵科給事中邾野孫公暨配趙孺

人行狀

封文林郎江西道監察御史西原劉公暨配

贈孺人李氏行狀

亞中大夫河南布政使司叅政羅岡范公行

狀

先父贈太常寺博士南河公先母封太孺人韓

氏行狀

第五卷

誌銘

明四川嘉定州同知封中憲大夫山東按察

司副使進三品服一拙陳公暨配李恭人

合葬墓誌銘

明進士蓮泉王君墓誌銘

明增廣生員三川韓君墓誌銘

明處士對坡王公暨配劉孺人合葬墓誌銘

明壽官望原史君墓誌銘

第六卷

覆瓿集目錄

墓表

明叅政知縣次源南君墓表

明南部知縣源城史公墓表

祭文

祭文莊公馬年伯文

又祭文莊公馬年伯文

祭襄毅公楊年伯文

祭韓任庵文

祭封少師張公文

祭進士蓮泉王叔子文

祭茂才何公子烈婦翟氏文

祭韓謙庵文

祭 誥封淑人李師母趙氏文

祭 誥封太宜人楊年伯母文

祭陳太母李氏文

告文

子生見廟文

第七卷

覆瓿集目錄

啓

賀馬文莊年伯拜相啓

賀鄉曲諸老啓

啓 魯國主

賀三閣春啓

延梁劉二春元啓

賀嚴家宰啓

賀兵憲憲原公春啓

延邑侯郭公啓

壽余相公啓

代三春元延邑侯郭公啓

書

奉李漸翁老師書

上座師陳虹翁書

報潘印川先生書

奉李漸翁老師書

答姚益軒年兄書

答李兩山年兄書

覆瓿集目錄

與呂新吾年兄書

與魏見泉書

與蕭漢冲太史書

與王蓮塘書

答蒲城金縣尹書

答蕭念老書

答郭得吾書

答楊益 年兄書

第八卷

五言律詩

霜降恭謁 諸陵

陪王師竹太史遊焦山

過奚坤齋書舍

端午

贈瞿孺子舉人九思子 黃梅人

贈瞿孺子父

馬肖庵年兄舉第三子余隨諸同年造賀因

留夜飲

覆瓿集目錄

李年伯榮壽卷

王蓮塘座上同陳敬庵郭鹿坪評李毓華詩

歸而毓華又以詩至勉爲何處難忘酒一

首贈之

送馬肖庵職方奉使上谷便還里中

題都門折柳圖贈姚君

賀陳應虹座師出憲山東便歸省觀又有誕

麟之祥二首

劉座師入賀以考績霑 恩還山東二首

送兩山李司徒年丈餉邊便道歸觀

乙亥歲自夏徂秋病喘未歇日萌歸念情見

乎詩一十八首

送客城東與同僚角奕濯纓亭上頃復泛舟

送張敬所尹陽武便道過里

代送同年歸娶

馬文莊公年伯挽詞四首

送翰編王敬卿年兄赴 闕

送石獲庵司訓乾州學正

覆瓿集目錄

王蓮塘太史生日予從陳敬庵郭鹿坪李毓

華壽之蓮塘出自壽詩留飲至夜

七言律詩

隨諸丈至 南內聞數日後 上欲幸之

鎮江官署樓登而有感

登金山寺二首

初入禮部觀政書懷

奉使歸至樊橋驛喜而有作

寄韓謙庵

送大司徒疎庵王公歸晉

謝馬肖庵惠魚

賀邑侯高公考績拜恩二首代作

送忽東谷遙授梁藩都事還里二首

題郭太老師老師母雙壽卷

壽馬懋翁八十

別敬卿王年兄

送顧明海庠博擢青神令時君弟亦令蒼溪

送邑侯郭公應詔北上

覆瓿集目錄

送張瑤池年兄謁選

七言絕句

王師竹太史以使事至京口阻風不能北渡

余約與遊焦山寺

李毓華宅見碧桃花

送呂新吾年丈尹襄垣十首

題朱年伯雙壽卷二首

郭侯應詔北發其日遇雨二首

曲

泗州逢元日武陵春

維揚人日任正宇年兄夜宴慶春澤

賀馬肖庵年丈弄璋之喜桂枝香

覆瓿集目錄

九

覆瓿集卷一

關中雷士楨著

奏議

論潘相疏

題爲衰劣大臣不堪輔弼重任懇乞

聖明慎始進杜邪萌以光

聖治事臣惟內閣輔臣典司政本是

九重之所倚毗也是四海之所仰賴也是百官之所

則倣也膺是選者必其德望素著而後可以服

覆瓿集卷一

八

一

人精力未衰而後可以建事甚非柔佞闖茸之

夫所宜濫厠也某月某日臣伏觀

皇上勅吏部原任太子太保禮部尚書潘晟著以原

官加兼武英殿大學士還差行人一員前去馳

驛取來欽此一時大小臣工莫不轉相駭愕臣

待罪言路安敢默默夫晟者

皇上以爲何如人乎清華久玷不聞亮節異能廉耻

盡捐但有甘言媚色其初爲禮部尚書也穢蹟

昭彰已莫逃于縉紳之公議蓋

先帝嘗斥之矣其再爲禮部尚書也輿情共惡遂難

免于科道之交章蓋

皇上又斥之矣然則

皇上之於晟固已洞燭其邪無容臣之喋喋者其得

以鄙夫之身冒宮保之銜優游林下而炫耀鄉

閭也已爲過分乃茲舉具瞻之位論思之職晟

所垂涎十數年而不得者一朝畀而予之臣恐

貪榮競進之徒有以窺

皇上之舉動也且晟之人品志行卑汙瑣尾姑所不

覆瓿集卷一

六

二

論若其形體尪羸精神瞶眊視聽荒忽動履艱

難此

皇上所親見也以彼其狀可責以奮庸展布勉圖功

業乎而况日暮途窮持患失之心忘在得之戒

又將何所不至邪晟之再斥也途中見一二官

司有不曲禮承奉者輒大言曰若等謂死灰不

復然乎一二年間試看吾爲何官當其時人以

晟放逐之後肆爲誇誕冀其媚已耳莫有信者

乃茲果蒙

特召則

皇上作福之柄歲何以能先事取必如操左券邪此
不可使聞于天下也今 國家九列諸臣一遇
員缺則吏部集多官會推取自

上簡豈不誠重之哉輔弼之臣矢謨帷幄受寄腹心
重不啻九列矣臣愚以爲宜博求輿論公付
廷推遵

祖宗朝故事以簡忠良而獨從 內降在

廷諸臣不及與聞古稱爵人于朝與衆共之者顧

覆瓿集卷一

六

三

如此乎伏乞

皇上勅下吏部會九卿科道官公同評議如晟尚堪
馳使臣當伏蔽賢之戮儻其才望年力果無可
用則願收回 成命罷遣行人更擇耆碩以昭

皇上平明之治天下幸甚

考選西臺奏議

題爲侵欺變產貽累良民乞

勅撫按議處以清宿弊以安地方事臣伏覩

大明律內一款凡倉庫務場局院庫秤斗級若顧役

之人侵欺借貸移易係官錢糧並以監守自盜

論又覩問刑條例內一款凡監守常人盜倉庫

錢糧犯該發邊衛永遠充軍斬首示衆者若正

犯逃故於同爨家屬名下追陪不許濫及各居

親屬夫曰正犯逃故於同爨家屬名下追陪則

正犯未逃未故止於本犯名下追陪可知已曰

不許濫及各居親屬則異姓交親不許濫及又

可知已

祖宗欽定律例之意惟恐一夫有罪延及平民慮至

覆瓿集卷一

六

四

仁也頃歲以來考成之法既立在外諸司競以

苛刻相尚諸侵欺係官錢糧者不論已未逃故

家產有無炊爨同異撫按責成于各道各道責

成于有司期於嚴併急比蔓引株連盡數陪償

以樹精敏之號而已夫人而敢于侵欺係官錢

糧也類皆貲產無多浪蕩不檢充囊而隨盡過

手而不留苟度目前弗顧其後者也至其一朝

而敗露也卽盡本犯家產通行變賣何足以償

侵欺百分之一有司懼錢糧之不可以盡償則

簿書之不可以速結也故有破屋數椽而定直至幾十兩硃田數畝而作價至幾十緡任其自報殷實之家勒令收買而不願者則以嚴刑濟之捶楚之下其誰敢忤於是破屋未收而安居已棄硃田未入而沃地先指犯人以官藏之錢糧恣耳目之樂良民以私家之蓄積辦姦宄之贓非所以懲有罪安無辜而明政刑之道也且犯人之產既昂其價直以苦買者而人之能買與否又徵諸犯人之口也故復倚變賣之名爲

覆瓿集卷一

八

五

要求之計良民懼其一報而傾家也不得不相率而賄賂之於是東家之貨以暗而投西舍之金乘夜而入所盜於官者未償而所虧於人者抑又多矣况不才有司又有緣此以爲利者其害又可勝道哉古者罪人不孥惡惡短也乃今以一人煽禍而使鄉黨鄰里共受其殃豈

盛世之所宜有邪臣愚學不足以通世務識不足以悉民情然在窮閭之下習見此害欲爲

皇上陳之久矣如蒙

勅下各處撫按悉心議處遇有犯侵欺係官錢糧者

一面定應得罪名一面坐委廉幹有司身詣犯人住所公同里鄰人等開報其房舍若干地土若干共估計價直若干果係貲財未絕不得漏報以惠姦如其業產無餘不可波及以累善必其逃故之日始責諸同爨之人至於變產之時亦須爲兩平之價願買者聽之不願者不強儻犯人侵欺數多盡其見有財產不足以償所在有司取具里鄰不扶同結狀報之守巡各道守

覆瓿集卷一

八

六

巡各道報之撫按應 奏 請者撫按會同

奏 請免其追比其不必 奏

請者徑自完銷庶宿弊盡釐而地方寧謐矣民生幸甚緣係侵欺變產貽累良民乞

勅撫按議處以清宿弊以安地方事理未敢擅便謹

題請 旨

條鞭議代縣

奉此卽抄原移編具名帖詢之鄉士大夫已又集闔學生員及各里里老年高習事人等虛心

訪問皆稱不便切照率屬惠民有良法矣乃壅
闕而不知遵奉罪也集思廣益無成心矣乃依
違而不肯明言隱也朝邑幅隕東西僅五十里
南北僅八十里而沙苑陂灘所占已十之四頃
者黃河西徙計二十五里有奇東南一隅崩入
蒲州之境省分山陝失業之民越河而取一草
輒被彼民殺死裂屍投河則田之可耕者十不
能以四五矣止以生齒稍繁小販技藝之人能
於附近州邑貿易傭匠以爲活計而俗又擾劇

西漢書卷一

六

七

不敢避倖出其權頭指下升合之積旋供上司
本縣力役之征耳若欲盡百役而徵銀豈能於
一時而卒辦况夫官徵則非銀不收私額則百
物可准官徵則銀色必高私額則時銀可折原
移所謂銀多難變者是也夫民間各戶自有無
田可種無藝可執僅能食力于差役間者如善
走則回馬多力則擡轎之類而其戶丁亦各因
其所長顧以應在官之役蓋不但使同族相瞻
亦可令遊手有歸茲而輸銀于官官爲召募則

應募之人城市者易以掛名鄉村者莫能與數
本戶貧丁不得應本戶差役而仍於無賴之身
責以輸銀苟非賣子鬻妻以爲措處之計必將
離鄉背井出於逃竄之門矣原移所謂應當易
而輸銀難者是也且本地差役勞逸苦樂惟本
地之人能知之故其私顧之工食多寡自能各
稱其事卽以朝邑渭洛二水水夫言之渭大水
也洛小水也乃洛之水夫工食視渭不啻倍之
而受顧者猶願渭而不願洛也諸如此類若非

西漢書卷一

六

八

久在地方熟知民事必且多其所寡寡其所多
斟酌舛于一時經久礙于後日原移所謂私計
爲便官徵爲難者是也本縣銀力二差行之旣
久百姓習而安之亦不爲苦若一舉而盡更之
其不便乃更有可言者山東河南之民生則報
冊死則除之覈實差易此中百姓冊所登載名
曰官丁冊所不載名曰私丁假如冊有五丁私
有十丁則官冊五丁之倖私之十丁實共辦之
大都官冊所登不能私丁之半茲欲法行條鞭

勢不容其脫漏愚民不知上人之意乃以利己必將曰丁半在官猶且不支而今人人而在官也僇將愈重矣必且眴然怨生謹然謗起此則慮始之難所宜熟思而審處且銀差如祭祀表箋柴馬齋膳舉貢盤纏等項皆取僇銀之餘不與條鞭異指至於力差舊規量差輕重坐派上中兩則戶內如京兆驛庫子京羊大戶本縣庫斗洛河水夫等項酌坐上戶門阜禁子機弓兵舖司兵等項酌坐中戶其下則之戶每丁徵銀皆以分計不滿一錢蓋上戶家豐力裕故坐以重役有以一而幫百者如庫子僅免僇銀伍錢而私顧則至百金矣有以一而幫十者如洛河水夫僅免僇銀二兩而私顧則至三四十金矣下戶家窘力微故僇銀幾分之外更無幫貼所謂齊以不齊是乃所以爲平也而百姓由而不知安而不怪則未嘗融通縣使我相形故不覺其懸殊若是甚耳茲而行條鞭之法則應免坐差者每丁責數分之銀而應坐重差者每

丁所輸視下戶之丁遂相十百上戶之丁將曰我一身而當彼十乎我一身而當彼百乎人情必有所不堪或稍稍憐其過量從輕減異日者鞭銀既少工合必廉應募者將曰鄉也人以百金而我今如斯而已乎鄉也人以三四十金而我今如斯而已乎官募必至于不應此則善後之難所宜蚤見而預待夫廉明之吏錙銖無染綜核有方百姓一輸鞭銀更不知差徭煩碎之苦則條鞭之法固節用愛民之首務也若乃昏濁之員時不應斂而斂而斂之又從其重時應散而不散而散之又從其輕久應衙門者則利其顧直之少以長惡而容奸不入城市者則逼以官顧之威使屈首而就役又或握算而不知縱橫偷安而全任吏書打點門開侵漁實啓則不但使各戶之丁輸之又輸似輕而反重且將令應募之役領皆空領有名而無實矣似不若仍舊貫聽民私顧之猶爲兩便也伏乞尊裁

覆瓿集卷二

關中雷士楨著

序

續朝邑縣志序

成周建國至千八百稱最夥矣其時國有史官以典記載之業稱最專矣乃子車氏枚列國史自魯春秋外則晉楚檣杙止耳史之難不其從古然哉

明與郡邑函夏夥亦可千五百許而編纂之官不設其間於是壤內方聞士惠念粉榆有可以示法垂戒

覆瓿集卷二

六

一

埽害布利爲一方之故實者謹書備錄命之曰志亦古國史之遺意也顧求史於有官之國千八百中指不能以四五屈郡若邑既無專官志何容易假令數百區而得一數十年而得再猶比鄰矣往不佞壯游上國四海薦紳知其爲朝邑人靡不鄉之索邑志者曰是五泉韓大夫之所爲也核而文約而能該不可以莫之觀睹也不佞應之日不暇給云河汀王大夫生韓大夫四十載後謂故志成正德己卯迄今踰一甲子宦茲產茲宜增論其行事後之人得有改焉

覆瓿集卷二

六

二

且地震河徙而來生齒漸彫徭賦日益將爲宣閭閻之痛徼休息之仁此其續志所繇而作不佞披誦數遇見其志官氏人物節義如吳道子繪像頭面須眉一一惟肖使觀者寓目宛見其人志地形食貨如秦越人望色聽聲知病所在厲鍼和劑便有起僵生死之術卽建置秩祀紀事諸篇例不得不循他志若其緣物溢情隨文取義如張旭草字見爭道聞鼓吹皆可妙悟玄通資其運管乃喟然而嘆曰思深哉王大夫之志乎文悲而壯意疊疊而在民韓大夫九原可起必當相視而笑話同心定莫逆矣以傳之人人其疇能軒輊之也繼自今牧吾邑者誠鏡於志又鏡於續志法法戒戒埽埽布布二大夫福我邑里可勝誦哉不佞今病而倦游或有日復走上國挾持兩志應四海薦紳之索亦且藉之而自多也王大夫之爲續志也蓋十年所今已侯文岩郭公雅重文獻始謁而梓之梓成命不佞爲序而又曰故志出韓大夫必無使廢繇斯而占候之鏡兩志以造福於吾民無俟乎觀政而可知已王大夫負蒼生望久在丘樊頃